




甯津縣志

22.6213
3035.073
=8



Kodak Color Control Patches



祥異

古人於吉凶之兆皆曰祥春秋有祥於大辰酉及
漢左傳漢水祥也又鄭之未灾也



將有大祥

是水火災變皆謂之祥徐鉉曰祥詳也天欲降以禍
福先以吉凶之兆詳審告悟之也故五行志於眚沴
怪異並以惡徵爲祥以祥原有異也舊志於祥異闕
如且誤以昴畢分野今既遵一統志畿輔通志改入
虛危爰稽史冊自天文地理以至水旱凶荒皆采其
與分星疆域有合者志祥異

漢

高帝三年十一月癸卯晦日有食之在虛三度齊地也
惠帝七年正月辛丑朔日有食之在危十三度

文帝後二年十一月戊戌土水合于危 占曰不可舉
事用兵危齊也

景帝中三年十一月庚午夕金火合於虛 占曰爲鏢
爲喪虛齊也

武帝建元六年八月有星孛於東方長竟天

元帝初元元年四月客星大如瓜色青白 占曰爲水

飢五月勃海水大溢

永光元年三月杪隂霜殺桑傷麥秋隂霜害稼諸路

皆饑

成帝元延元年四月無雲而雷有流星東行四面如雨
東漢

光武帝建武二年正月甲子朔日有蝕之在危八度

占曰虛危齊也又甲子主齊後賊張步擁兵據齊是
其應也

和帝永元六年三月濟北河間饑饉民多流亡

殤帝延平元年九月六州大水 袁山松曰六州河濟

渭洛洧水盛長泛溢傷稼

安帝永初五年正月庚辰朔日有蝕之在虛八度夏蝗

十一月甲午客星見西方己亥在虛危

元初六年四月勃海大風拔樹二萬餘株

桓帝延熹八年四月濟北平原河水清

按斯時縣境及
鬲般皆屬平原

永康元年八月河濟大水勃海溢沒殺人

靈帝熹平元年夏霖雨七十餘日共誣勃海王慳謀反

十月誅慳

熹平五年天下大旱 見蔡邕伯夷叔齊碑

光和六年冬大寒北海濱棗井中皆冰

獻帝興平元年夏大蝗

建安十六年夏四月丁巳饒安縣言白雉見

按此時縣境東
北界屬饒安

建安二十二年大疫

晉

武帝咸甯三年八月平原郡霜害三豆河間屬暴風寒

冰

五年二月甲午白麟見平原鬲縣

甯津東南與德平
接壤即鬲縣地

太康六年三月河濟諸屬隕霜壞桑麥

惠帝元康四年五月甘露降樂陵郡

今甯津與樂陵為鄰彼時則為所屬

泰安元年史或稱永甯二年十一月熒惑太白鬪於虛危

按晉書本紀是年十二月河間王暉表齊王問有無君之心請廢此金火二緯所以鬪於齊也

愍帝建興二年正月辛未三日並出於西方面東行

按晉志引陳卓曰日為君象三日相承天下其三

分乎至丁丑三月而江東改元劉聰李雄亦跨曹

劉疆宇此亦何關於一縣然是年石勒陷薊州曹

疑復取青州從此河北郡縣與晉隔絕故特記之

元帝永昌二年即明帝太甯元年三月饒安東光安陵三縣火

燒七千餘家死者萬五千人

按此時縣境東北亦屬饒安西面胡蘇亭屬光

成帝咸和五年無麥禾大饑五行志曰天下大饑

北魏

孝武帝太元十三年十一月戊子辰星入月在危

太祖皇始二年十月壬辰日暈有珮玦 占曰兵起既

而烏丸張超收合亡命而據於南皮

天興四年二月甲寅有大流星眾多西行歷牛虛危

絕漢津

太宗明元帝泰常二年勃海大水

泰常七年二月辛巳有星孛于虛危向河津

太武帝始光二年三月丙子月犯熒惑在虛

神麋元年二月樂陵見白麋鹿因以改元

此時新樂縣正屬樂陵

宣武帝永平三年閏月乙酉月在危蝕

孝明帝熙平二年九月瀛洲暴風大雨自辛酉至乙丑

冀瀛滄三州大水冬饑

正光二年四月甲辰火土相犯于危十一月辛亥金

土又相犯于危

節閔帝普泰元年五月辛未太白出西方與月並間容

一指戰祥也 占曰兵喪並起霸君興焉是時勃海

王高歡欲移郡治東光而改胡蘇為縣也

孝靜帝元象元年定冀瀛滄四州大水

隋

文帝開皇八年秋河北諸州饑遣吏部尚書蘇威振恤

二十年四月乙亥天有聲如瀉水自南而北

仁壽二年秋河北諸州大水遣工部尚書楊達振恤

唐

太宗貞觀四年秋觀州蝗

此時胡蘇縣正屬觀州

八年八月甲子有星孛于虛危歷元枵乙亥滅

九年正月乙卯朔日有食之在虛九度

高宗永徽五年河北瀛滄濱棣諸州大水

顯慶五年河北二十二州大旱

中宗神龍二年冬無雨以至明年夏山東河北大旱草木枯焦道殣相望

景龍二年正月己卯滄州大雨雹中人有死者

此時胡蘇縣已改屬滄州

元宗開元十五年春河北牛大疫

德宗貞元元年河北大饑斗米千錢

文宗開成元年正月辛丑朔日有食之在虛三度

二年八月丁酉有彗星于虛危

三年滄齊按唐五代齊州即今濟南府治等州螟蝗害稼

縣境介滄南齊北之間

憲宗元和十五年滄景等州大雨自六月癸酉至於丁

亥廬舍圯沒殆盡

昭宗乾甯三年十月有客星三在虛危間相隨東行狀

如鬪 占曰兵象也明年劉守文陷滄州越年朱全

忠陷景州是其徵也

五代

唐莊宗同光三年六月己巳太白晝見庚寅眾星流自

二更至三更盡而止

潞王清泰元年十一月丁未彗出虛危掃天壘及哭星

宋

太祖建隆三年河北大旱苗皆焦仆

太宗淳化元年七月滄州蝗蝻食苗棗州

即無棣今慶雲縣及武定

海豐皆是飛蝗並起害稼

真宗咸平五年瀛莫深滄諸州水壞民田

景德元年自春至夏瀛冀滄棗之間屢次地震

祥符四年五年河北連歲旱飢

天禧四年四月乙酉西南方兩月重見

仁宗景祐三年六月河北久旱遣使詣北嶽祈雨

皇祐二年八月大雨連日壞屋

嘉祐二年六月河北大水潦敗民田是歲諸路江河

決溢而河北尤甚徧野鴻噉

六年七月河北霪雨為災

神宗熙甯元年自秋至冬河北地數震滄冀瀛莫四州

尤劇壞官民廬舍不少

熙甯七年自春至夏無雨河北路皆蝗民多餓殍

徽宗崇甯二年諸路蝗令有司酺祭勿捕及至官舍之

馨香來薦而田間之苗葉已無矣

三年四年連歲大蝗其飛蔽日山東河北野無青

草

政和七年瀛滄河決滄州城不沒者三版而縣境亦宛在中央矣

欽宗靖康二年正月己亥天氣昏曠狂風竟日入夜西北陰雲中如有火光長二丈餘民皆見之

金

自靖康二年正月欽宗詔兩河民降金民不從竟自南渡而棄河北矣故金於天會六年因臨津城圯而改名甯津歷元明至今不易也是當時自南渡後河北政事與宋斬然斷絕不能不從實紀載繫于金元

太宗天會十一年七月戊辰月食於危

世宗大定三年十二月壬午白氣出危宿歷室壁奎婁

胃昴止

五年十一月丙寅白氣出女宿歷虛危入昴止

十六年河北山東旱蝗

章宗明昌元年夏旱七月淫雨傷稼

四年五月霖雨六月河決清滄皆被害

承安五年五月庚辰地震

泰和四年河北大饑觀滄等州斗米銀十餘兩殍殮

相屬見金史侯摯傳

宣宗元光元年夏旱

元

定宗三年十二月丁巳虹見

按此時金亡已十六年元尙未建
有年號而南宋則理宗淳祐十年也

世祖中統三年八月河間路隕霜害稼

至元元年河間濟南相連大水

二十一年河間濱棣大水

二十七年夏蝗秋滄州樂陵甯津旱免田租

成宗大德二年二月辛酉歲星熒惑太白聚於危

六年四月河間屬縣蝗

七年五月濟南河間等路水

十一年七月德州蝗延及縣境

武宗至大三年四月甯津平原齊河等七縣蝗

仁宗延祐三年河間濟南濱棣等處饑給糧兩月

七年五六月大雨壞田傷稼

英宗至治二年二月河間路饑禁釀酒

泰定帝泰定元年六月景清滄莫等州旱

三年河間屬縣飢並賑之

明宗天歷二年三月滄州南皮甯津鹽山桑葉爲蟲食

盡蠶不成秋有年

文宗至順元年六月河間獻景諸路蝗

二年夏河間屬縣皆以旱不能種告饑

順帝至元三年五月丁卯彗星見至六月長三尺餘入
園衛掃華蓋乙酉犯天皇貫四輔丁酉出紫微經貫
索七月庚子埽河間入天市至辛酉在罰星斂芒凡
六十三日自昴至房十五宿而後滅

至正元年河間濟南諸屬饑

十九年五月大蝗山東河南直隸京師飛蔽天日
所落阬塹盡平人馬難行民大飢都城銀一錠易

米八斗

二十二年二月乙酉彗星見在危七度

二十六年九月甲辰孛星出在虛初度八十分

明

太祖洪武七年六月自保定河間以至山東飛蝗如雨

二十一年八月壬戌至甲子天鼓鳴晝夜不止

二十八年八月德州大水壞城縣境被淹

惠帝建文元年七月癸酉燕王起兵風雲陡暗咫尺不

辨少焉東方露青天尺許有光燭地

成祖永樂五年河間各屬饑

十年十一月吳橋東光同時隄決縣境被水

十四年七月畿內河南山東三省蝗

二十二年四月畿南以至山東州縣霪雨傷麥禾

甚眾

宣宗宣德五年六月蝗已卯御製捕蝗詩宣示畿甸

九年七月蝗詔遣官督捕

英宗正統六年夏河間各屬蝗凡被災州縣蠲其租稅

三十四連年蝗旱

景帝景泰元年畿輔山東河南皆旱

四年冬十一月戊辰至明年正月直隸山東皆大

雪數尺人畜多凍死

天順元年二年直隸山東山西河南皆無雪

三年四月順天河間以及濟南皆烈風彌旬麥苗

盡萎

八年二月丙午填星歲星太白聚于危

憲宗成化六年旱飢遣使振恤

十五年直隸山東山西河南皆無雪

孝宗宏治二年秋滌潦為災詔免稅糧給貧民麥種

武宗正德六年十一月戊午京師及畿南地震

十四年二月丁丑畿輔地自北而南皆震

世宗嘉靖三年正月丙寅朔畿輔河南山東同時地震

六月旱保定河間屬縣蝗

五年保定河間各屬大饑

三十二年正月戊寅朔日食春夏旱大饑
三十九年畿輔大旱賑恤免被災稅糧

神宗萬曆五年六月庚辰夜半五色祥雲繞月

十三年自去年八月不雨至於二月乃於庚午大
雩三月甲申又大雩四月丙午復大雩戊申以旱
詔中外蠲被災田租

二十七年夏螟蠓害稼十一月癸酉振畿輔饑

二十九年四月連日風霾甚至晝晦傷麥

四十六年三月庚午薄暮雨土乍如霧霰著衣方
知入夜不止

熹宗天啟六年六月丙子南自濟南北至天津衛同時
地震撼屋摧垣頗形顛踣

十二年畿南州縣以及山東皆旱

莊烈帝崇禎元年畿輔大旱赤地千里

十二年六月畿內山東山西河南旱蝗

十三年畿南大饑草根樹皮罕有存者

十四年正月壬寅黃埃漲天畿南山東洊饑德州
及縣境皆斗米千錢白晝劫奪

十六年六七月瘟疫流行自京都而南下

十七年正月元旦庚寅大風霾日光慘白

國朝

順治七年三月己未日光赤色如血

十年旱

十一年大雪封戶人多凍死

十七年亢旱疫癘

康熙三年四月隕霜殺麥十月初旬彗星見於翼至十

二月壬戌乃在奎凡歷十三宿五十餘日

四年春夏旱

六年桃李冬華

七年六月十七日地震

十八年蝗旱七月二十八日巳時地震

三十年旱蝗

四十二年大水陸地行舟

五十九年六月初八日地震大旱

六十一年秋大旱蝗

雍正三年春旱六月大雨平地成河

四年夏麥熟未收遂澇秋難耕種

八年旱八月十九日地震

九年四月望後日月色赤凡七晝夜

十年八月十五日隕霜

十一年六月二十四日大雨水平地舟行百餘里
乾隆二年缺雨免賦

六年蝗

八年大旱炎風如災人多暍死九月己亥彗星見
十四年八月桃李華

二十八年五月朔未時日食羣星晝見

二十九年夏旱秋禾未成

三十八年大旱

三十九年連旱禾盡槁饑饉荐臻

四十年旱大有秋

四十一年有秋

五十六年旱蝗民多飢

五十七年秋禾未成人多餓死

五十八年五月始雨秋蟲未爲災

嘉慶元年大有年粒米狼戾

二年瘟疫

四年十月二十八九夜間眾星交流如織

六年自六月初旬大雨連縣房多倒塌

九年有秋

十五年水災賑

十八年旱災賑

二十年七月朔亥時地震明日又震

二十五年七月二十五日天鼓鳴

道光元年二月朔日月合璧五星聯珠七月大疫

二年有麥七月大水賑 詔通州大興甯津吳橋

等共四十八州縣並緩征其坍塌房屋地方酌給

修費

四年以水災旱糶倉穀

八年七月地震

十二年大旱七月初一日隕霜傷稼

二十四年九月二十七日午後天鼓鳴

二十六年七月西方有白氣見長竟天

咸豐三年四月初四日午刻日旁黑氣四圍摩盪形成

圓暈煙霧溟濛

四年秋狂風傷稼

五年凡經賊竄十七州縣如河間獻縣甯津吳橋

東光南皮等處皆蠲緩應徵額賦並賑災民

七年春夏雨澤應時蝻孽萌生

十年六月十九日大雨傷稼

十一年秋八月丁巳朔日月合璧五星聯珠

惟金星相

離較遠

同治元年大雨水六七月間大疫中元夜流星散見

二年五月初九日狂風拔木

四年五六月星晝見

九年無麥七月酷熱人多暍死

十一年正月二十三日虹氣貫日五月朔日食麥

大熟

光緒二年八月蟲傷稼初十日隕霜蟲盡凍死稼復蘇
熟

三年旱無年糧米昂貴疫癘流行

四年春大饑斗米千錢免徵施賑秋大熟

八年元旦日交暈冠珥十月二十二日地震屋撼
有聲二十五日復震

十年正月二十六夜地震十二月二十五日復震

十一年七月有蝗南飛蔽日未集縣境十月二十

日申刻西北雷聲二十二夜流星如織

十四年五月初四日申初地震戌刻又震

十七年夏飛蝗蔽日捕逐不爲災後蝻子生損傷

禾稼

二十年九月二十二日邑西北雨雹

二十一年夏邑北界疫癘大作有舉家盡歿者
二十二年七月大雨數日牆垣浸塌貧民多無居
處

二十四年五月旱至六月望得霖雨秋大熟

二十五年五月連雨雹秋旱不能樹麥穀價騰踊

十一月甲子冬至雨木冰冬祁寒

甯津縣志卷十二

光緒二十六年重修

雜稽志下

陵墓

周禮大司徒以本俗六安萬民二曰族墳墓至春官
更設冢人墓大夫皆辨其兆域而爲之圖此古墓之
所以能傳至今也昔子路去魯而顏淵贈言以展墓
而入爲詞卽子路酬言亦以過墓則式爲答此又訓
墓爲思慕之處也揚子曰凡葬無墳謂之墓有墳謂
之塋故檀弓云墓而不墳蓋高曰墳平曰墓也譬諸
二陵風雨雖干載能忘乎志陵墓

秦

茅焦冢 在縣北十二里

魏書地形志饒安有茅焦冢寰宇記在甯津縣北今按其冢在甯津縣北十二里卽舊志所稱無名家也據云二冢高丈餘東西對峙而不知其東卽茅焦西卽歐陽建也憶昔故老相傳或指此二冢爲毛子墳亦曰茅草墳又曰牛羊冢殊不思其曰毛子曰茅草卽茅焦也其曰牛羊卽歐陽也此則可因誤而徵實者耳

漢

雋不疑墓 在縣北十八里大柳鎮北

按南皮縣志云縣南八十里有雋不疑墓今大柳鎮北有雋冢墳距南皮縣八十里蓋甯津在後漢北宋時皆曾省入南皮故南皮志亦載之其實地在甯津原不屬南皮也

晉

馮翊太守歐陽建墓 在縣北十二里茅焦冢之西

按樂史寰宇記云歐陽建墓在臨津縣東南二十七里考唐宋臨津縣卽隋胡蘇縣而今城西之保店也畿輔輿圖保店在縣西南二十五里據此知樂史所

云東南當是記錄小誤實迤東北在縣北十二里若
自保店直達墓所與二十七里之數相符也建之爲
人已見晉書茲特正舊志而表明其墓再按建史稱
勃海重合人今據歷代地理今釋重合故治在樂陵
西正甯津地斯其所以葬此歟

昭明文選載歐陽堅石臨終詩伯陽適西戎子欲
居九蠻苟懷四方志所在可遊盤况乃遭屯蹇顛
沛遇灾患古人達機兆策馬遊近關谷予冲且暗
抱責守微官潛圖密已構成此禍福端恢恢六合
間四海一何寬天網布絃綱投足不獲安松柏隆
冬瘁然後知歲寒不陟太行險誰知斯路難真偽
因事顯人情難豫觀窮達有定分慷慨復何歎上
負慈母恩痛酷摧心肝下顧所憐女惻惻中心酸
二子棄若遺念皆遭凶殘不惜一身死
惟此如循環執紙五情塞揮筆涕洟瀾

唐

褚公墓 在縣西北二十里

太原府君墓 在縣西二十五里

金

進士李恕墓 在縣北里仁鄉

元

諸路新軍總管李世和墓 在縣北里仁鄉七間廳有

華表石器

河間路教授高陽張英撰神道碑記國朝天馬南
下以神武底定四方薄海內外每不臣屬蓋上天
眷命懸敷所在謳歌所歸亦大賢羣英羽翼左右
焉河朔之會擁甲兵者響應景附化爲王公而升

為侯伯矣故龍飛雲從虎嘯風動亦其乘時自然
 之勢也既平之後謹朽索之馭理紛絲之亂酌古
 今之宜審先後之序朝廷自有制度綱維殘缺補
 葺罅漏闕闕草野之間獨行一介之士俱收而並
 蓄之或出納言命或奉使遐陬輸肝胆而布腹心
 蹈患難而赴水火以濟緩急以備藥石至不挾任
 子之貴不襲父兄之爵志大而器博任重而道遠
 動必以誠自強不息立功絕人致身鼎貴能自樹
 立一時斯尤可貴歟故諸路新軍總管李公其人
 也公諱世和字和卿姓蒲察氏後更易為李世為
 上京路人三葉上遷於燕因而家焉王大父諱遠
 忠信勇武前金海陵親衛大父德柔世宗尚方署
 令甚見親任考定章宗朝官忠顯校尉內藏庫副
 使叔父寶交南渡後許州軍屯干夫長忠顯四子
 長曰世和次日世全國朝王府侍從老充內修司
 官資稟剛果次日世安甯津鹽山二邑達魯花赤
 兼領諸色人匠聰明機警禮賢下士次曰世甯前
 鐵冶總管襟度深遠長即公也公自幼岐嶷眉目
 清異不好戲嬉見者咸器之甫弱冠從所屬本官
 也速兒植志挺然通曉吏事深獲獎口擢甯津鹽

山二邑長蒞政之日究求民瘼摧抑豪強矜貨窮
 困賦役以均煩劇不作乙未占籍之民逋逃淵藪
 纔滿干數迄於壬子戶口增倍先皇帝有詔聽政
 役以比居闕實其數細民浮游囊橐其奸遺逸板
 籍在所為蠹公被省檄馳驛河間東平濟南益都
 賓棗等道搜捕鉅索無所隱匿得戶三萬餘僮倖
 衰止朝廷使之趨刻印就命領之使納其賦稅焉
 今主上中統之四年方有事於用兵以經費不貲
 力頗屈建言徐州荒蕪方山可創冶場以補不足
 上可其奏因賜銀符署公為總管乃立利國松柏
 通利三監大興鼓鑄歲進鐵七十餘萬國用益饒
 民不告病五年特旨換授金符以旌其能先是宋
 人渝盟邊備戒嚴得偵候者以規我之動靜屢真
 於法而終不加息惟埋不逞輩負緣行商私市良
 馬微取贏餘國機疏泄識者病之至元二年公懇
 切申請密言於上曰小人嗜利愆不畏死不若因
 而招募以益兵數且熟其險可為我用上奇其謀
 授諸路新軍總管就佩金符仍賜寶交五百兩以
 諸赦諭之曰若等勿庸殺聽自新汝其往哉其敬
 乃事君既遭際務竭其忠施陵設注措誘納勞來赴

者如歸人皆勇鷲剛健直前徑行若不以生死為累者公以賞罰恩威制其命德公口臨陣遇敵無不以一當百四年春攻口之金剛臺縱火大掠魚貫先登不終日拔之越明年秋軍於黃之聚軍山與敵相加鼓噪而進彼兵大潰誅宋將楊總管昆仲二人士卒五百餘級擄獲生口以數千計中使驛聞詔公面奏其狀賜良弓一美箭十人馬甲一錦衣一襲寶交五千兩遠近榮之公嘗朝覲屬臣數人有欲進言者上顧公曰李世和有奏卿等可勿言矣其眷寵有如此者六年冬廬州新城征車言還以是歲十有一月五日不幸以疾薨於蔡之行館春秋五十有四訃聞中外諸陣公娶楊氏生男一曰珪次馬氏生男一曰璋次張氏生男一尚幼女四人長適滄州達魯花赤劉入里待次適甯津田氏次適太皇寺河渡寺趙君之子繼祖男孫四人女孫二人公天資豪爽倜儻不羈風岸峻潔善於詞命事父母以孝聞篤于友愛昆季同居或欲以析產言者力呵止之終身無異議怡怡如也性博愛嘗驛馳過大名遇一惡少得罪聞於官以極法論輒出白金十斤贖其死公既感國士之知

誓立功邊陲展盡底蘊以圖報効秉命不永沒於王事所立卓然絕羣逸倫可嘉也已其弟世安狀其行走河間踵門而囑高陽張英曰先兄卜葬敢以銘詞相諉將饒諸石余與世安有一日之雅義不得謝故為之銘曰堂堂李公萬夫之雄孝友因心發於天衷資父事君移孝為忠奮身仕途匪私其躬甯津鹽山化行其中綏爾赤子宣我皇風國之經制理財為義鑄山興冶大獲厥利金節煌煌天子是賜茫茫南荒蹇不來王負固恃險限我封疆小人嗜利黃緣為商公奏嚴宸募就我行革暴為忠化兇為良有虔秉鉞先驅薄伐金剛之峰干切突兀雲梯上攻勇夫砭砭彼敵相驚空其巢窟黃之軍山寇來如焚徐撓其銳一靜妖氛執俘獻馘慰勞三軍明明天子有道如砥旣旌其功爰播其美大資忠貞賜之弓矢錦衣精甲光生邊鄙大功垂成二豎流嬰沒於王事今古為榮安水北原鬱彼佳城竹帛大書太史是程刻為龜趺庶傳頌聲若子若孫無忝爾生至元七年

甯津鹽山二邑達魯花赤兼領諸色人匠李世安墓

在縣北里仁鄉七間廳

鐵冶總管李世甯墓 在縣北里仁鄉七間廳

陞督總管奉訓大夫李仲傑墓 在縣東四十三里

甯津長官李進墓 在縣東四十三里

管銀冶戶副長官李思温墓 在縣東四十三里

明

大理府知府張廉墓 在縣西三里

敕贈五官靈臺郎張岩墓 在縣北二里

監副張紳墓 在縣北二里學士劉機撰墓銘失考

蘇州府通判尙堂墓 在縣西二十里

磁州知州謝釗墓 在縣東北二十里固甯鄉之東謝

家按舊志在縣南六里今據釗之後裔諸生萬笏言墓在固甯鄉每逢霜露之辰族人猶拜於此

敕封北城兵馬司副指揮趙本墓 在縣南二里

樂平縣教諭王錦墓 在縣南一里御史熊爵有銘失考

敕封戶部福建司主事王珩墓 在縣南一里

刑部尙書任邱閔煦撰墓表甯津南垌之原鬱蒼而無撫者是維瑯琊王公之墓毓靈萃社凝秀環

冲乃儲俊洪基食報祀地也公冢嗣憲副良貴君自狀其行先徵中丞寒村蘇君誌其詳於曠茲請

予表諸墓道予夙懋交誼且邑里相比其何以不

文辭據狀公諱珩字國瑞別號瑯琊其先大城人

自思忠祖徙甯津歷福茂簡憲錦凡五世錦卒公

少孤依孀母舒氏貧幾廢學公奮志苦思能自得

司都事公以官不如志居兩閱月遂解組歸其勇
決如此事母氏能不違志及歿哀毀骨立葬廬其
旁始終如禮其不匱之孝如此刑于家室克穆而
和五十年無一言忤人謂冀缺知敬迪五子以義
方嚴而有則無溺愛無俾縱逸遂顯合名人謂竇
氏善教友于兄弟墳簾和鳴征邁相勗脊令孔懷
人謂有常棣之仁持恭桑梓敷惠族姍不倨不羣
少長咸憚而感人謂有伐木之義飲止微醺喜澹
厭俗耽詩自適老而彌篤其安樂之風度乎蒔花
灌蔬調鶴瞻雲漱石濯纓佩離奉芷其彭澤之遺
行乎絳幄談經宏牖蒙筮義利明辨型冶筌蹶其
河汾之高節乎所刻有西遊隨筆覽涉雜興瑯琊
山公小集樂府藏於家惜憲副君方隆三養之誠
而翁不祿其未盡者其貽穀昌後哉享年七十有
二先以子貴封戶部福建清吏司主事配張氏封
安人生於宏治九年二月十七日卒於隆慶元年
九月十九日子男五長卽良貴山東按察司副使
次良材典儀官次良士次良史俱早卒次良器生
員孫男六長承易次承書次承禮次承祖次承芳
次承詩曾孫一女四孫六不備書卜戊辰三月二

十二日王申葬公于南坳之阡嗚乎公有懿德懿
行足以法後而子孫繩繩足以光先公可謂生榮
歿甯矣是故表之非直成其子孫之孝亦
以風世知種德之有慶云爾隆慶二年

誥贈中憲大夫張存性墓 在縣西三里

霍州知州趙凱墓

孝子王通墓 在縣西北二十五里

義民耿思恭墓 在縣西北三十里東廠北古黃河西

隄上

賜進士出身奉政大夫山西按察司致仕僉事前
兵科給事中郡人孫博撰墓表大明宏治十年歲
在丁巳二月之吉甯津縣孝孫耿純託本縣聽選
上舍張濟狀乃祖壽官之行實拜求余表其墓余
嘉其能繩祖武不忍辭按狀壽官諱思恭世爲甯
津大族遠祖有諱守道者生有義氣故老相傳先

代疏通黃河特以進膳功乃賜其村曰耿家村厥後十景詩有進膳會聞報主恩千年賜得耿家村之句此可見其為故家也父諱紹先世德相承久而彌顯至思恭生質敦厚以農事起家積穀數千石且仗義好施其周濟鄉黨貧乏畧不望報鄉評重之正統七年荒歉詔許民尚義出粟壽官乃日指困周貧古人有作况逢恩例而可吝乎遂慨然出粟七百二十石以補荒政有司以聞朝廷特賜救獎諭勞以羊酒旌為義民仍免本戶雜泛差役三年有司為立旌表門額自是壽官益勉於善鄉人亦相勸以為善及年登八旬又蒙恩例冠帶易日積善之家必有餘慶信其然矣享年八旬有四無疾而終配李氏徐氏張氏俱以壽卒葬於新卜隄右之邱隴子男三日智娶李氏口緜成化間遇例納粟四百二十石授以七品散官其尚義好善良有父風娶張氏日淮援例納銀五十兩冠帶榮身娶劉氏孫男日純日紳日綸日翱子也純器識高遠嘗自勵日吾祖既以尚義而薦蒙恩寵吾父與叔又以尚義而俱蒙恩寵吾不以義自勉甯不有忝於先人乎乃孳孳為善以光前裕後為念父

歿哀毀踰禮既葬遂廬墓側捧土成邱植柏成林且有白兔馴擾人無遠近咸以孝子稱之宏治二年大尹奚公下車之初首詢孝子順孫或以純對奚公稱羨且以未蒙旌表為缺典純愈感激於心乃告於士大夫曰吾先人幸蒙君恩者如此其慶乃後人者又如此吾可忘所自耶此所以拳拳求表其祖墓也余惟純之祖墓既表但見一家與孝在是一鄉興孝在是一邑興孝亦在是矣其為表豈止於墓而已哉於戲此皆純心一孝之感通而余言亦未必無補焉

山東按察司副使兵備霸州王良貴墓 在縣南門外

文淵閣大學士禮部尚書四明余有丁撰墓表甚哉仕宦之難也夫人之誇口於世者必高位顯秩然時有不能則倏然失其據而羞辱愧赧力智俱困不知所出矣故廉靜端慤之士不蕪乎公卿汎游乎一世而無疑其貴不借位尊也是以外詘而中伸其龍門王先生之謂乎先生舉嘉靖丁未進士又三年為庚戌虜入躡近郊天子既案諫憮悞不任事者而輒貴咸甯侯鸞鸞遂竊弄權內結奸

相外市黠虜而又下操百司徵求無虛時若小欲
 不遂必肆其欺給而無忌陰鷲鬼譎不可揣持一
 時用事之臣趨之若市者之趨大駟也先生是時
 官倉部郎監通州而虜數敗約南人鸞內畏虜不
 敢兵則假以軍糧不給激發上怒幾得自便同事
 者咸股栗不知所裁而先生獨從容往見謂賊在
 河東聲勢燎邇即烏舉入宇下禦之為難為人臣
 子宜先君父之憂不宜自計便利諸倚安焉居無
 何復命監代餉代居中山北邊虜而前監者不飭
 軍民共苦汰取先生一持以廉代以不病既而升
 本部郎中改監遼左餉遼左受山東灌輸而役者
 往往疲山海之險官繩之急彌病役者先生既治
 事遼為酌鍾豆優道費甚便役者役者歸山東必
 道先生家未嘗不以首搶地先生父前稱謝也先
 生既久為郎又歲歲治邊餉有功當遷官而主者
 忌其慙直迺外遷守平陽平陽劇郡介關扼河物
 賄奏至民多奇袤先生以寬大嚴重為治而時出
 其精計法其一二桀驚不奉約者民以大安暇日
 著有籌邊口口口為議者入課屬為條者十以治
 行最稱滿歲擢山東按察副使備兵霸州為內三

輔所治多貴人而地四通聚彈丸擊劍之徒先生
 持法平一切謝絕請謁而身束士伍若常備他盜
 者有高指揮慎行素怙焚無行手所搶害人甚夥
 先生廉得其實竟置之法而內史楊幸用事求曲
 法脫人於死先生謝不從因中先生以讒風御史
 案之坐不讎明年竟以大計報罷罷之日先生方
 有事密雲與諸公飲賦長途此日又逢春之句以
 志感有訢然忘歸之趣總督楊公選雅嚴事先生
 益歎其去不違時云先生既歸年益強而封承德
 公與封安人皆無恙先生自治甘毳和顏色而薦
 之取親中需厠踰身自浣滌不令人知暇則手一
 卷課諸子孫絕迹公府游行田間不知其為貴人
 也先生長厚尤謹飭於言行不寢然諾無論識與
 不識耳先生名知其為賢大夫已夫居官無滄姍
 韋脂之行居家有孝弟睦婣之懿居鄉有敦仁薰
 誘之良先生其人豈數數世見者哉先生諱良貴
 字少思自五世祖思忠始遷為甯津人配詹氏繼
 配潘氏贈封安人子男三詳具楊冢宰與谷少司
 馬誌狀中萬
 歷十三年

陝西苑馬寺少卿張一通墓 在縣西三里

宣化府知府郭聰墓 在縣北三十里大郭家

處士田鸞墓 在縣境

德平葛守禮撰墓誌銘田舜係故代聞人他顯者姑不論子春漢末齊民乃挺大節抗敵辭封磊磊喪亂間徐無之避再見成邑每讀史至未嘗不想見其人嘉靖戊戌余服先君及期甯津田君鳴世因余舅氏請其子好禮從學余因辭不獲迨延入見其秀鬚眉豐頰體貌偉殊言議斬斬心竊敬之會有能道其賢者曰正德辛未流賊起畿輔攻陷城邑遠邇震動楊虎者以其眾壓甯津時劉令他出學官程守篆倉皇無主人為竄計老稚婦女咸俟井死程問眾可恃者人以君對召與君言君曰弗備胡敵試以口舌爭之登陴呼賊首來諭曰朝廷如天覆爾輩不幸為遊釜之魚將安逃方馬開府建議招降盍轉禍為福不能從亦宜亟引去少當決吾勝算毋悔虎壯其言貌謂不可易迺問姓

名竿數斤金反餽君諭卻得解圍去數日令歸將議勞君復進曰羣寇紛紛必有繼來可急繕以待劉即與計事乃其有備無何他盜果大至君分布居守相持三日夜敵無所乘亦去劉為張宴學宮延之上坐酒半劉舉爵曰危城非君何能有今日兩造民命秋毫皆君力也敬以五十金為君壽頃當上功於朝君辭金且曰親老矣恐被錄即不可辭馳驅幸止上功於是劉益重之余曰是何異古之排難解紛者將子春之世賢乎欲為傳未果乃嘉靖壬寅五月七日以疾卒好禮撫事為狀走於京邑乞銘余慰之曰若翁應入列傳不果為忍更辭銘按狀君諱鸞鳴世其字其先鹽山人曾大父子榮大父友皆葬鹽山父寬童時避饑甯津遂占籍母國氏以成化乙未六月十三日生君幼服賈勤儉不懈乃家貲頗集嘗有寇夜窘其父君挺身赴難以免耆年事母有萊子之歡暨送終哀毀逾年喪葬悉遵禮法嗚呼賢哉君享年六十有八配王氏側室崔氏張氏子五人長好仁監生次好義知印官次好禮庠生次好智好信女一人孫男六人女四人銘曰眾難淵淵視於危城君有此城孰

無此城卒保其城以委於氓君之功耶孤烈英英歸於佳城孰無此城君有此城將保其城以委於形地之靈耶

國朝

石泉縣知縣蘇騰鳳墓 在縣東北固甯鄉

江西景德鎮同知吳名鳳墓 在吳橋城東十里

寺觀

古所謂寺說文廷也漢書注凡府廷所在皆謂之寺唐書百官表漢以九卿為九寺是也此外則惟閭宦亦稱寺自漢明帝時摩騰以白馬馱經來初止鴻臚寺遂取寺名為創立白馬寺此僧居名寺之始也古所謂觀爾雅釋宮觀謂之闕邢昺疏雉門之旁名觀春秋定二年兩觀災是也自漢武帝以仙人好樓居乃作蜚廉桂觀益延壽觀此又道居名觀之始也其見於史者則大宛之身毒漢書之仁祠下至洛陽伽藍法顯佛國亦無取焉昔紫陽作通鑑凡造寺必書

而清獻志靈壽凡寺觀不載學者可以折其衷矣志

寺觀

龍泉寺

舊名海螺寺在縣治東為一邑之勝概創修無考明洪武十五年重修每遇大禮皆習儀於其

寺正德嘉靖間重修本朝康熙十一年重修今圯

邑令馮棟撰龍泉寺藏經記大教之興自西土明心見性直達本原不立文字之學恐人執文滯相也摩騰入中國始傳佛語識象數蕭王總括諸典於華林園方五十餘卷耳機緣繁紊心法日亡為徒者演其師說卷帙延蔓動以藏計雖善知識者必假之年歲然後檢閱可通禪之上乘若是乎即吾儒之學啟於姬姚一中之受無文焉世儒分門別戶蒐奇探遠載籍浩繁殆不止於佛氏之書故仲尼以一貫而誨其徒子與氏以良知良能而嗣其躅百代之下語聖賢者必宗焉昔人謂禪學可以譬道夫禪者棄也并其心與意而棄之謂也况話言乎善學禪者知一心之外皆長物斯可以

入法門善學堯舜孔孟之道者知存心之外無餘法不可以得真詮耶雖然費隱者道也靈瑩者心也微顯闡幽者言也言以徵心心以會道要之皆不可無也自本體以起迹用由迹用以歸本體維摩詰所以立名而吾儒說約之學亦必自博學中來也然則得意而忘言得心而忘象神而明之存乎其人甯津龍泉寺有經一藏凡六百餘函貯之三厨不遠數千里取自金陵則寺僧宗愈也因是以誌之嘉靖四十二年

三皇廟

在縣西門外

邑人尚回瀾撰三皇廟碑記醫藥壽民繇來古矣肆不可無禩也伏羲氏占天聖乞而画卦後有天元玉册迨神農氏作耆嘗百草呂救民生虫疾苦日遇七十毒而弗恤軒后豳立與岐伯反覆論難以發伍運亦乞之秘闡五臟六腑之因順陰陽寒暑之宜制温涼補洩之法欲返人神之車味以合天地自然之中和俾無乖戾淫慝呂戕其生也三皇澤施萬類其有窮乎厥后扁華董孫以及張劉

朱李諸賢則又承往聖之心擴未發之奧巧治奇
 攻故其術益善簡益著凡凡扎瘥天關舉得以生
 生是洵不可忘所本已是固庶禩之所由肇也今
 夫塵井之眠始為宮室者禩之始為稼穡者禩之
 始為飲食者禩之凡有功生民者咸禩之不忘本
 也秩夫良藥醫方仁澤溥將壽民於無疆者而顧
 一口弗禩與畿輔靄邑寓屢禩延亦孔矻矣吾邑
 有庶初宥有季第歲久而地弗恭胡依口口高學
 會約良民誼哀粟緡渙萃鼎新復日絕代名醫侍
 口一庶未雅也迺僦工飭材棟隆兩廡肖十名醫
 像而坐焉劉五位口口而歲時肆禩焉誠是也
 已而載惟庶庶建矣建而禩矣不可以無傳矣仍
 擬勒石口碑永世問言以記予夙重藥醫口禮口
 口辭而口諸口范文正口口達則願為良相窮則
 願為良醫夫良相壽民萬艷者也良醫壽民萬紀
 者也故聖如伊尹猶論湯液口口公許學士口著
 方書呂傳益惠施羣生而不以為惠行濟三海而
 不以為功惟聖猶難者而醫固兼之矣茲庶之所
 以不可以已而庶碑之所以不可無記
 也爰記諸石呂頌厥成云萬曆九年

三義廟

一在西門外一在縣西北十
 三里楊西川莊餘不備載

三官廟

一在西門外一在縣北十八里大柳
 鎮一在縣東北十五里餘不備載

樂邑舉人房垂耀撰重修三官廟碑記甯邑之北
 舊有三官廟口往來行人之所敬依也或曰水府
 三官皆在江南五代楊氏據江以馬當為上水府
 采石為中水府金山為下水府其去北地也遠矣
 余曰不然神之在天下如水之在地中水無處而
 不有神無往而不在况此邑之南有南洋舊迹邑
 之北為鉤盤河數十年來河水安瀾而無氾濫潰
 決之患未必非神靈之所呵護也其廟食此土誰
 曰不宜特歷年既久風雨剝蝕神像之暴露見之
 者為之湏涕處士李養身等憤發修理鳩集眾工
 輪奐壯麗廟貌維新功既成書其事於石
 使後之同志者有所觀覽焉嘉慶六年

呂祖祠

在縣城東南隅光
 緒十二年創建

泰山廟

一在縣南門外一在縣北十八里安州寨
 一在縣北二十五里李滿莊餘不備載

邑人田函三撰安州寨重修泰山廟碑記海內祝釐而問靈宇者爭走岱嶽如騫其諸行祠星布自國都省郡以迨三家村落不啻恆河沙數云何禮越之口也無口化城火聚口微塵國口中故莊嚴普現充滿大千亦復如是第承訛習舛者不獨盲聾而薦紳老宿復多耳食碧霞君幾無考矣予嘗於登覽瞻拜之次綜故實而折衷之或曰元君東嶽女而化身為觀音在世固極悠謬即瑤池記所載黃帝遣七仙女焚脩以迓西崑真人元君其一焉太白登岱詩云玉女六七人翩翩下九霄似為的據而事亦恍惚不可攷至宋真宗東封玉女池泉水忽瀑因像以玉而礮石為龕碧霞之祀實肇於此大都靈通幻化出入無功俾青帝職司寅生被元恩者爭奉持頂禮而元君祠幾徧天下矣吾甯西鄙有古屯牧地以安州寨名而元君祠在焉頽垣壞址滅沒荒煙野草中尺椽寸瓦盡蝕不度久矣其鄉張君顧而太息曰唯神口翼下民金支翠葆顧安所憑依而忍使口為蒿菝也伊誰其咎迺相與醮繙錢採木石垣宮而鼎之廟顏煥然改觀焉是役也一人倡之眾人羣而和之成無量

白衣寺

一在西門外 一在柴胡店

果於冷淡寂寞之區而數十年之剝落一朝頓復雖曰神力洪實人謀臧也至於口瑞錫社調風布霖為下土福庇豈渺小哉予嘉其事而記之系以辭辭曰昂畢之次九河之區繫古寨址元君奠居伏臘醮陳往來井井嬪代有緣忽革之鼎胡故而故胡新而新人奚柄斯陰陽唯神揚邁未提千里而至庭燎絳空于喝沸市風鳴鳴雷動蒲牢天開寶雞地會春芽有像儼儼有靈穆穆如答如口洋洋彷彿神恩云何萬物大生元恩同極億兆斯歸萬歷四十二年

邑教諭蕭岫撰白衣寺碑記不佞岫託生塵世業深障重常切苦悔之懼每覽禪宗時覺洒然緣俗債未償未及飯依然心固嚮往之也今年春余補官甯津縣有古刹余與諸生隨喜其中一禪師在焉諸生曰是半衡長老於戒律極精嚴者也請而見之年可七十矣道貌清真舉止從容不叩口竟坐不言間質經論疑義則撮其大指使我渙兮若冰將釋自是時時造調衡弗為答或致供養之具

亦不報謝余以是益服其高誼一日余匡坐衙齋而蒼頭忽報衡至余整衣出迎坐定茶罷語衡曰遠公不過虎溪舊矣胡為乎來哉聽其言則縣治迤西南八里有劉剛莊白衣庵僧智秦既持厥庵欲借一言以志不朽師為先容也余笑曰大士空宗空無色也而今更大士色不幾幻耶余讀楞嚴大士具二殊勝四不思議人稱白衣僅無口功德中一節不幾不見全身耶且一切有情最苦愛渴如大士所云求男得男將無菩薩亦滋人愛根耶衡曰色即是空非著空也若向無物處尋空便是幻空試與公瞻禮大士悟聞思修入三摩地謂即色見空可也口觀口者口口口觀水者於其源口出象識心則全身可一節亦可况大士圓通口口口節耶現全身乎圓覺不云乎菩薩更化示現世間非愛為本但以慈悲令彼捨愛假諸貪欲而入生死則大士之即愛為捨有婉轉度口沈淪未易窺測也余口衡為他僧方便又心折其議乃日記吾不辭顧其事未耳而目之且得捕風繫影乎衡曰智秦秦人也其謝絕世緣凡三十年禮名山凡幾處而偶卓錫此地庵地舊屬檀越秦募質易

之復殫累年勤勞庀徒揆日崇基表剝殿堂門廡煥然一新其中則闡薰聞修同佛慈力之大悲衣素衣儼然寶座二為文殊是秦佛慈旨擇方便門者也三為普賢是心聞發明安慰眾生者也四為勢口是攝諸念佛人歸諸淨土者也五日地藏是揭黑暗眾生出無明地獄者也而庵之四面圖繪世尊成道始末兩旁為韋馱為託塔最後為千手眼大悲總之冀世世有緣僧眾瞻仰五大士金姿口相固護如韋馱託塔而且緣是登彼口口見世尊口亦秦自度度人意也余拊掌大笑曰如師言不啻遊我於大士境界亦既獲數詳盡矣余又安容贅一辭且轉借師言以志不朽萬歷四十七年

玉皇廟

一在縣西門外一在縣東北

園林寺

在縣東北

二佛庵

在縣南八里祁家莊

二郎堂

在縣西十里舖

藥王廟

一在西關外一在縣東十五里柴胡店一在縣北三十里新集

白佛寺

在縣南十五里

白塔寺

在縣南十五里

包公祠

在縣西十八里相衙鎮

現報寺

在相衙鎮

增福廟

在縣北迤東二十里李知白莊明成化二年重修

雙林寺

在縣東北二十里崔莊

慶春寺

在縣北二十里楊家小章明天啟元年重修

永興庵

在縣東二十里艾莊國朝康熙二十五年創建雍正十二年道光十九年光緒十四年重修

蓮花池寺

在縣西北耿家莊明萬曆五年建

九聖廟

一在縣東北二十四里王家濠一在縣東北二十五里陶家庵餘不備載

寶林寺

在縣東二十五里國朝順治十七年重修

觀音寺

一在縣西二十五里保安鎮一在縣東北三十七里鐘樓張家

雷音寺

在縣東二十五里時家園

王母殿

一在縣東二十五里蕭莊一在縣西北二十六里隄上王莊餘不備載

地宮廟

在蕭莊

雲陽閣

在蕭莊

女媧殿

在縣西二十五里王家廟

龍興寺

在縣西南蒙家窪

棘鍼寺

在縣東北三十里

大學士張之萬撰重修棘鍼寺碑記波元關雖渺而有時可以度人幽健雖虛而或者藉以警衆為淺且顯也是以吳道子在景雲寺畫地獄變相屠沽漁畧見而改業然則神道設教未嘗無益於人也彼廟而祀焉往往而在鄰邑甯津縣城東迤北舊有棘鍼寺其大佛諸殿故明萬曆間重修關帝諸祠國朝康熙末改修者也至道光祠再修今又於同治光緒間次第續修現已工竣而李別駕鐸來南囑余為文記其事且云是寺也故老相傳漢世祖為追騎所迫避於此地荆棘中故免于難及其卽位而勅建之余於是深嘉李君之請而竊疑夫故老之說焉夫光武之徇河北王郎反於薊帝晨夜兼行不敢入城邑頓舍其流離顛沛之區至今歷歷可考如饒陽之蕪蕪亭正定之滹沱河南宮之道旁空舍無所謂竄伏荆棘也及其卽位建武二年立宗廟郊社於洛陽五年起太學中元改元起明堂靈臺辟雍無所謂勅建棘鍼寺也殆好事者附會其說歟且佛之入中國乃顯宗永平八年耳自時厥後列刹相望緇流大煽由魏晉以迄元明踵事增華公私煩費矣其至丹碧翬飛擬

於帝制鎔金銷翠殫盡民財其偏作自永平何云建武哉姑弗深辨要之甯邑諸君善體夫神道設教之義亦欲使屠沽者流因之悔罪特以此淺且顯者為世俗說法耳况乎事非創始未至勞人絕無截髮挂缸煉腕釘髀殘身祈祠棄子禳災者但見其樂善好施相與有成而已余故述其大凡若此雖然淺且顯者諸君既與邑人共喻之深且奧者不與邑人共勉之可乎甯津號稱殷實書院甫建行見諸君共襄其事使夫學校如林庠序盈門獻酬交錯文質彬彬為國家儲有用之材為鄉縣造無窮之福吾知諸君之澤將與鬲水共長矣此則迦藍小築即為鬻宇先聲且上承建武太學之意也豈不偉與光緒八年

清明寺

在縣北三十里金時創建明正德中重修國朝乾隆辛酉道光甲午光緒丙申重修

彌陀寺

在縣西三十里黃家鎮宋咸平二年創建明嘉靖二十七年天啟五年重修

惠林寺

在縣西三十里許莊

王馬寺

在縣西三十里

如來寺

在縣東三十二里王德普莊又名金雞廟在柴胡店

石佛寺

在縣東北三十五里

高塔寺

在縣北里仁鄉

雙牛寺

在縣東北四十里大苑莊

馬昭寺

在縣北四十里黃莊明嘉靖四年創建

昭福寺

在縣東迤北四十里楊盤鎮明宏治戊午重修

清華觀

在楊盤鎮

海甯寺

在縣東北四十里長灣店

邑人張一通撰重修海甯寺碑記直隸河間府甯津縣北一舍長灣店海甯寺招提最古肇初唐元

宗天寶二年古峯住持抵宋真宗祥符九年重鑄

石佛我皇明正統四年僧從茂重建歷正德二年

閩左人王甫元復修於店西城隈斯鎮口古朝我

父老相傳洪羅縣未考何許邑是知其古也至元

則名長官司店東南隅巨波數頃洋洋蕩漾沈沈

隱隱碎磅訶碰雖陽山鱷見弗涸因名焉載縣志

且北障燕台東環滄海南控平陵西瞻太行之麓

誠邑首鎮而招提峙於其側形勢鴻闊臺矗崑崙

崔嵬峯嶺幽闐遼夙沈寥兮空闊而擬於氣清佛

殿三楹莊嚴金碧突兀兀忽荒煙磊磊磷磷爛爛

鬱鬱縹縹九莖霽伽藍殿光落咸池祖師殿色華

賜谷金剛殿丹流赤垠山門總鬱蘭若浮光叩洪

鐘響法鼓樓閣稱是誠入絃之偉觀也緬教入中

土福利誘愚明心說賢賢愚莫不翕然信奉粵晉

唐宋逮今盛哉勉於為善懾於為惡有補於世也

正德間閩宦劉瑾不軌當族明法重好生之德殲

厥渠魁脅從罔治餘黨為流賊剽掠推理勞甚狷

獬經此壽亭顯靈賊勢崩潰吾邑未蹂躪賴有此

近居士人借蕭齋以講學綱常油然而興皆招提

所寓而玉成也詆曰惑世誣民浮屠無足信者豈
 不謬哉苾芻數輩蒼顏碧目一味禪學俱沙門之
 至人於縣事暇邑侯余公纂志槩邑形勝靡不歷
 誌海甯寺得詳其事今住持僧人真節懼事久易
 淪而鑿石難沒發心礎碑以識甚盛舉也而佛敎
 鄉約咸託以不泯美哉非文何建僧叩予旋馬磔
 問予詳其事以勒銘曰巍巍樓閣浩浩鼓鐘叩鳴
 遂至雄麗宏中光縹耀漢瓦霽流虹邑鎮為望康
 莊是通明講學口允依禪宗假曰浮屠設舍蘇東
 雲山疊翠澗水環淙佑眠護法壽亭垂功光浮日
 月霞靄晴空碑記萬古
 口旬保終萬曆十八年
 北極廟 在長灣店明嘉靖十七年重修

鐵佛寺

全

山水寺

在縣東 王月莊

識餘

自古善狀鬼神善言夢卜者至左氏而茂以加矣然
 其失也浮夸况其餘乎因思禮掌春官乃聘夢而獻
 夢隸分夷貉亦烏言與獸言此固三代常經而後世
 或以為怪者也則夫元亮記搜神之後東坡以說鬼
 為娛皆其緒餘無妨於正爾志識餘

尚莊三官廟康熙四十年間有道士郭養直虔修其中
 時有兩蛇盤旋於左右衣敝屣破見者皆呼為邈邈
 道士郭云卿等整飭容儀方寸能有幾箇清淨山人
 皮相似邈邈一點靈臺實空洞無物耳其人慚謝而

去居數年忽口中吐火皮肉俱焦而逝後有某自京師來言遇道士於途略敘闊別至家詢之始知已戒火自焚矣

道士一藏者趙姓萬普其名也通經典習劍術嘉慶中旱甚乃作壇祈雨取海水注壇縮龍寸許入壇中以劍插壇口而雨立降修真葛勇莊九聖廟朝猶在廟而村人之赴德州者乃見其在市買物而託使賚回也比及午還則仍在寺中炊飯耳嘗爲人驅邪而病立愈言邪至吾寺芒芒然歸則山門火起矣隨以筆蘸硯水洒之火卽息同治七年髮捻入境言村中有

若一藏者指揮兵卒賊以是辟易不敢近云鄉人曰彼出家者而歿後猶有靈以衛故里則夫鄉之不相睦媼不相任卹者其亦抱愧於此道也哉謹藏其劍以爲守望相助者勸

前棗寨子有范三道人幼學吐納長通經典能卜陰陽吉凶曾見童子羣逐烏雀范曰彼已罹劫何猶相迫旣而雷雹驟至烏雀傷害無數德平傅家莊寺中有蟲傷人鄰近患之延范驅之范乃跌坐左持鉢而右持劍咒禁移時蛇蜿蜒而出張吻作吞噬狀范以劍指揮在前乍卻須臾漸小令衆視之則拘入鉢中矣

衆欲傷之范言驅入山林不使爲害是亦驅放之菹
遺制也衆皆善之

井興都世居邑之井家莊少厭塵俗好方外遊嚴冬卧
冰上或經旬不食坦如也後竟不知所之廿餘年村
人有遊泰嶽者與井舊相識也班荆道故情甚款洽
又有某遇之於安邱見不簪不帶猶是舊日風規倘
亦學大春而稱逸民者耶

甯邑西北二十里有龍潭潭上有龍祠以五色土爲五
龍屈蟠狀每旱甚縣官步禱於此以五色紙爲鬪拈
得何色卽迎何龍入郭雨輒至先時潭周廣二里餘

四環荻葦中被荷花泛舟載酒爲游覽之區後因開
濬河渠於是潭水淺洩其旁多爲居人藝麥存者深
不及丈廣纔數畝亦可作小滄桑觀也

王家濠村農張某灣中劬土間觸刺有聲撥視之則魚
也堅如石鱗甲如生長約數尺又縣西北宋莊濬濠
爲池村人啟出土龍三條長丈餘金黃色愚按凡水
將涸大魚恆穴地以自藏年久則僵遂如石蛇石鱗
無足怪者至土龍見後漢書乃求雨之具詳見春秋
繁露若黃色乃季夏月所祈者當有四小龍或殘其
一耳蓋祈畢而葬之於地也土人不知以爲異特明

曉之

張讓廟明萬厯初邑人張讓建議讓樂善好施因廟立社學施錢數千緡買學田數十畝延邑中有學行者居其中誨後進至今刹宇猶存或題廟壁曰當時豪富亦多門轉瞬煙銷日已昏何似買田開社學至今張讓廟猶存

邑西大蘇莊有明達官蘇公墓相傳其人形貌魁梧俗呼爲蘇大漢也今村前古墓荒涼碑文剝蝕殆盡其字蹟可辨者有奉天承運皇帝制曰以撫衆榮及前敬之勿怠嘉靖七年等字而其名字事蹟竟俱磨滅

卽其後人亦僅知諱號爲大漢不亦難乎是以族譜之修凡爲子孫者所宜永念也

粵東人陳某商於邑之八里莊一日由粵赴甯乘輪船遭颶風入黑水洋幾陷俄見船上有白髮老人衣冠端坐瞬息間風浪平靜舟竟出溔陳問老人姓名居處老人曰甯津邑北十五里鄭莊前卽老夫所也言訖不見陳心異之到甯徧詢鄭莊始知仙樂亭之靈異也遂焚香致祭獻匾而去

鄭莊有仙樂亭

王華麟歲杪赴長灣店質庫典衣還距家數里夜將半行至樹下有白衣女子勸之就縊麟自忖家有老親

幼子此勸無乃不情疾行以避女子尾之屢叱不退
擲以瓦礫卻而復前行至巳村後麟循崖而下女子
已立崖上麟厲聲呵詆以大土塊擊之始化爲火光
北去時鄰村有母女夜績女適啟戶出忽驚癩顛狂
母禁不能止女曰吾何懼懼王華麟耳巫醫數輩來
無效其鄉素與麟識聞而異之詢其顛末戲請驅邪
不去強挽之乃持土塊往入門作拋擊勢女驚仆無
語須臾扶起則如常矣鄉人曰鬼豈畏麟哉畏其有
孝慈之心故不敢犯耳

邑東北王家濠西南二里餘地名封臺周數畝高不過
丈餘上有王氏古墓碑記荆榛蒙翳斷碣荒寒凡四
鄉冠婚喪葬需某什物臺前焚香禱祝之易時則盡
列於臺前事畢將原借物輦至臺前謝之按此事幾
於各縣多有如東光之桑家家吳橋之蘇家家莫不
云祈冢可以借物而卒無一應者則又皆云因有乞
假不還者故不復出借也由此論之則習爲詐騙之
人其亦念及不爲狐鬼所齒乎

邑東北張定杆莊有白衣觀乾隆時一道士處其中終
身衣一破衲形容蕭然而頗嫻拳技村人或師之道
士有一蛇畜於土窟中每日飼之頗馴擾然外人莫

敢近亦未嘗爲人害有欲觀者挽道士呼之則蛇出其首養數十年身長丈餘道士卒村人瘞於觀側蛇從廟中蜿蜒而出繞塚數市而死至今猶稱爲義蛇云鄉人曰古有豢龍氏若道士飼蛇固亦如犬馬畜之耳豈望其以國士報之耶夫淮陰不忘一飯之恩而田需較論鶩鶩餘食蓋飢渴之爲害大矣彼義蛇者得無亦如飯袋癡兒在父兄時衣食素慣及父兄卒遂窮無復之而因槁餓以終耶抑亦實有激發於天也然觀其繞塚數市而死則謂之爲義猶信

邑東路莊劉氏古墓前有白楊八株族人賣之見樹坑

中有大小蛇無數族中患病日至數十人因更爲補種至今後栽者已數圍矣夜常有火光初見如琉璃鐙行且益多可至千百星流電掣倏散而無殆如元虛所云百色妖露陰火潛然者耶昔仁寶譏東坡不識江火而以蝦殼爲證茲之蛇穴有光亦蝦殼類耳而要其原則周官土訓之地隱一言盡矣

邑東三里許每值元夕時有鐙光出沒或團結一處或排列四隅以至千百成行若鹵簿前導若營壘夜開隱現無常須臾變幻逼視之不見其近返觀之不見其遠夜四更許始熄鄉人謂之鬼散鐙傳曰妖由人

興人於是時放燈故燐火亦因之出見耳
貞婦苑柴氏孀居子早卒惟一幼孫呱呱在襁褓中柴
盡力護持族中某欲謀其產及幼孫稍長屢欺毆之
時柴氏飼有一犬一鶩每遇某欺毆時犬鶩齊嚙不
可解幼孫得無恙某深銜之乃怒殺其鶩與犬鄉人
相與語曰彼鶩與犬乃禽而人者也殺鶩與犬斯人
不禽若矣

遲莊迤東灣中有古墓碑石無考墓低於岸數尺值水
淺時墓之形僅露盛夏水漲與岸平墓亦不滅其頂
蓋隨水爲高下也有迷途者至此輒有人指示之及

回視已杳然矣卽車馬之驚逸者亦至此頓止鄉人
曰昔成子高言生有益于人死不害于人我死則擇
不食之地而葬我焉又謝惠連祭古冢文曰旣不知
其名字遠近故假爲之號曰冥漠君云爾今觀此冢
碑誌俱無莫詳姓諱能不謂之冥漠君乎且藏于水
底非擇不食之地而葬乎而猶有靈焉以指迷持險
非死猶有益於人乎於是采風而爲銘曰繁冥漠君
世族莫知睇彼塋兆宛在中坻豈厭塵濁而慮高危
獨盟白水濯魄於茲乃或迷嚮輒



又如墓鶩
以得口碑



70000611



知不足齋叢書

卷之二

三



050

Z.5